

MANAPEN PORAUSEN ANINISIN MONI

Fan pwungun ei pirokramen aninisin aramas, an Hawaii Pacific Health kewe pioing me clinic repwe awora ngeni chon niwing aninisin atapwanapwan (emergency me/ika "medically necessary care") weiweita ika ekkoch saffei me tumwun mei auchea, usun a affat non ewe Financial Assistance Policy (FAP).

Ke tongeni tungoren omw kopwe angei aninisin emergency me/ika "medically necessary care" (saffei/tumwun mei auchea) me ekkei pioing: Kapi'olani Medical Center for Women & Children, Kaua'i Medical Clinic, Pali Momi Medical Center, Straub Medical Center, me Wilcox Medical Center.

MET KOPWE FORI OMW KOPWE TONGENI FICH ("ELIGIBLE"):

Ekkewe re winiposen Hawaii, pachanong ekkewe e ketiw ar repwe nounou insurance ren pekin saffei, ir mei tongeni apply ne angei aninisin moni. Ekkewe re angei emergency care nge rese winiposen Hawaii, ir mei pwan tongeni apply ne angei aninisin moni.

Mei wor ekkoch auchean emwen aipwe aea pwe aipwe apwunguweno an emon fich ne angei aninisin moni.

Wewen:

"Financially Indigent" (Woungaw): An ekkewe chon niwing moni tonong mei kis seni 200% ewe Federal Poverty Guidelines ika FPG (ewe koukun mwenene an ewe muunapen Hawaii), repwe tongeni angei saffei/tumwun mei chok free (ese kamo). An ekkewe chon niwing moni tonong mei nap seni 200% nge mei kis seni 400% ewe FPG, ir repwe tongeni angei saffei/tumwun mei mokukkun (85%)

"Medically Indigent" (Ese Tufich): An ekkewe chon niwing moni tonong mei nap seni 400% ewe FPG nge ir rese tufich ne awesi unusen niwinir non pioing. popun pwun ar niwinimang mei nap seni 15% ar moni tonong, ir repwe tongeni angei saffei/tumwun mei mokukkun (85%).

Ika emon chon niwing ese kon fich ne angei aninis (fan pwungun ekkewe emwen ika FPG) nge e wor an atapwan are samaw watte, fan ekkoch aipwe mwut ngenii an epwe angei aninisin moni (anongonong won nonomwun). Ika mei wor popun mei auchea, Hawaii Pacific Health repwe nenengeni an emon poraus pwe repwe pwunguweno ika e men nit aninisin moni.

Met kopwe fori omw kopwe apply ren aninisin moni:

Ikkei ekkoch anen kopwe fori omw kopwe tongeni angei kapin ewe taropwen FAP me ewe FAP apilikeison:

Pwusin chuto: Ekkewe Financial Services Office me non eu me eu pioing re kawor ek-koch chon aninisin aramas ren pekin moni ("financial counselors") ir repwe tongeni aninisi aramas ar repwe atoura ar apilikeison.

Me ren fon: Kori 522-4013 won O'ahu, ika 866-266-3935 won ekkewe fonu unukun ei fonu Sarinfan ngeni Enimu, 8 a.m. tori 4:30 p.m.

Wonline: hawaiipacifichealth.org/FAPProgram

Ren email: billing@hawaiipacifichealth.org

Ewe pirokramen Hawaii Pacific Health's Financial Assistance e chok tongeni awora aninis faniten ekkewe "services" mei ketiw me ekkewe pioing me/ika tokter ir mei nomw non tettenin ei pirokram. Ei pirokram ese tongeni awora aninis ren ekkewe "services" (pekin saffei/tumwun) mei ketiw me eu pioing ese nomw non tettenin Hawaii Pacific Health (FAP). Katon ewe FAP omw kopwe sinei iten ekkewe tokter/pioing mei fich fan ei pirokram.

Ika ke tungor, epwe pwan kawor noum kapin ewe FAP, ewe FAP apilikeison, me ei taropwe non kapasen Inginis, Japanese, Ilocano, me pwan ekkoch fonu.

KAMON ANINISIN EMERGENCY IKA SAFEI/ TUMWUN MEI AUCHEA:

Chon niwing pioing resapw pwan kamo ngeni ei pioing watte moni ren aninisin emergency nge epwe chok nono kamon emergency me chon niwing non pioing mei wor ar insurance.